

鍼灸經穴圖說

董炳麟著



足太陰經穴


起於隱白終於大包計二十一穴

左右四十二穴

(1)隱白 (2)大都 (3)太白 (4)公孫 (5)商丘 (6)三陰交

(7)漏谷 (8)地機 (9)陰陵泉 (10)血海 (11)箕門 (12)衝門

(13)府舍 (14)腹屈 (15)大橫 (16)腹哀 (17)食竇 (18)天谿
(19)胸鄉 (20)周營 (21)大包



鍼灸經穴圖考卷之三

長安黃維翰竹齋甫纂述

渭南郭咸益謙齋甫

同校

寧縣曹 鉅鴻德甫

足太陰經穴

〔靈經脈篇〕脾足太陰之脈起於大指之端

足太陰脾脈起於大指內
端之隱白穴受足陽明之

交也足之三陰從足走腹故太陰起於此凡後足三陰經皆然

循指內側白肉際

大指白肉內邊
之近足掌處

過核骨後

核骨爲踝骨

〔太素〕作蹠骨卽大指本節後內側圓骨也滑氏言爲孤拐骨者非蓋孤拐骨卽是踝骨核骨惟一踝骨則有內外之分核骨前有大都核骨後歷太白公孫商丘

上內踝

前廉上端後

端〔甲乙〕〔脈經〕〔太素〕作膕後作內○踝首跨端音剏足跟後兩旁起骨爲踝骨腓腹爲膕卽腿肚亦名腓腸上內踝前廉之三陰交叉上端內

循脛骨後，交出厥陰之前

脛「甲乙」「脈經」作脅○本經自漏谷上行二寸交出

出太陰之後

上膝股內前廉

膝上「甲乙」「脈經」「太素」「素脈要精微論王註」有循字

入腹屬脾、絡胃、

臍上爲腹自衝門穴入腹內行脾與胃爲表裏故於中脘下脘之分屬脾絡胃也

上膈挾咽連舌本

散舌下

膈「甲乙」「太素」作鬲下同○咽以嚥物居喉之後所謂食管也至胃長一尺六寸爲胃之系舌本舌根也足太陰經至舌下而止其挾舌本之脈足少陰也「素太陰

陽明論」足太陰者三陰也其脈貫胃屬脾絡嗌爲之行氣於三陰「刺禁篇」刺舌下中脈太過血出不止爲瘡「王註」舌下脈脾之脈也脾脈者挾咽連舌本散舌下血出不止則脾氣不能營運於舌故

其支者復從胃別上膈注心下。

「甲乙」作注心中○足太陰外行者由腹之四行上府舍腹結

等穴散於胸中而止於大包其內行而支者由腹哀別行再從胃部中脘穴之外上膈注於膻中之裏心下之分以交於手少陰心經也

是動則病舌本強

食則嘔、胃脘痛、腹脹、

是動則病氣而及於經從經而及於藏府故爲舌本強食則嘔胃脘痛腹脹諸證脾氣緩則健故食易消寒則衰故食不化而

嘔逆脾脈入腹屬脾
絡胃故爲痛爲脹

善噫得後與氣則快然如衰

如衰「甲乙」作而衰「脈經」
作得酸與熱則快然而食○

噫伊隘二音歎曼聲陰邪盛則上走陽明陽明之正上通於心故上走心爲脾
噫氣滯故也得大便後與失氣陽氣出則陰邪散故快然如病衰但倦怠耳

身體皆重

主脾

肌肉身體皆重

太陰之氣逆也

是主脾所生病者舌本痛體不能動搖食不下

氣病則強血病

則痛病太陰之氣則爲舌本强食則嘔氣逆之爲病也在脾藏所生之經脈病者則爲舌本痛
食不下經脈之爲病也氣主喎之病在氣故身體皆重經脈者所以濡筋骨而利關節病在血
脈故體不能動搖此太陰之是動脾藏之所生外內出入而見證之少有別也

煩心心下急痛

〔甲乙〕〔脈經〕有寒瘡二字

溏瘕泄

水閉黃疸不能臥

〔甲乙〕作不能食脣青〔脈經〕作好臥不能食肉脣青○瘕加駕

爲塘瀉脾滯則爲癥瘕脾病不能制水則爲泄爲水閉黃疸不能臥此藏病之在內也

強立股膝內腫

〔甲乙〕腫下有痛字〔脈經〕作肉痛

厥足

大指不用

脾主四支脈起於足拇指以上膝股內廉故爲腫爲厥爲大指不用此經病之在外也

爲此諸病盛則寫之虛

則補之熱則疾之寒則留之陷下則灸之不盛不虛以經取之盛者寸口大三倍於人迎虛者寸口反小於人迎也

足太陰爲陽明之裏三陰也故

脈之盛衰
候於氣口

〔靈本輸篇〕脾出於隱白。隱白者足大指之端內側也。爲井木。溜於大都。大都本節之後下陷者之中也。爲榮。注於太白。太白腕骨之下也。爲肺。行於商丘。商丘內踝之下陷者之中也。爲經。入於陰之陵泉。陰之陵泉輔骨之上陷者之中也。伸而得之爲合。足太陰也。以上脾之五腧皆足太陰經也

○一「千金」過於公孫爲原

〔靈根結篇〕太陰根於隱白。結於太倉。

「類經」足太陰下者根於隱白上者
結於太倉太倉卽中腕任脈穴也

〔靈衛氣篇〕足太陰之本在中封前上四寸之中標在背腧與舌本也。

中封足厥陰經穴前上四寸之中當是
三陰交也背腧卽脾腧也舌本舌根也

「靈經別篇」足太陰之正。上至髀。合於陽明。與別俱行。上結於

咽貫舌中。

〔甲乙〕作上終
於咽貫舌本

此爲三合也。

此脾胃二經表裏相爲一合也。足陽明上散於脾上。通於心循咽出於口上。頰頤入承泣之次繫目系爲目下網。以合於陽明。本經也。足太陰之正。上股內合於足陽明。與別者俱行。上咽貫舌。是爲六合之三也。

「靈經脈篇」足太陰之別。名曰公孫。去本節之後一寸。別走陽

明。其別者入絡腸胃。厥氣上逆。則霍亂。實則腸中切痛。虛則鼓

脹。取之所別也。

厥氣者。脾氣失謙。而或寒或熱。皆爲厥氣逆。而上行。則爲霍亂。本經入腹屬脾絡胃。故其所病如此。治此者當取所別之公孫也。

隱白

一名鬼壘

「甲乙」脾出隱白。隱白者木也。在足大指端內側。

以足大指言之。則爲外側。

去

爪甲

「外臺」「素氣穴」論王註有角字

如韭葉。足太陰脈之所出也。爲井。刺入一分。

留三呼灸三壯

「銅人」

鍼三分

〔靈熱病篇〕氣滿胸中喘息取足太陰大指之端去爪甲如薤葉寒則留之熱則疾之氣下乃止

〔素繆刺論〕邪客於手足少陰太陰足陽明之絡此五絡皆會於耳中上絡左角五絡俱竭令人身脈皆動而形無知也其狀若尸或曰尸厥刺其足大指內側爪甲上去端如薤葉〔王註〕謂隱白穴足太陰之井也後刺足心謂湧泉穴後刺足中指爪甲上各一指謂第二指足陽明之井也後刺手大指內側去端如韭葉謂少商穴後刺手心主謂中衝穴○〔甲乙〕無心主二字少陰銳骨之端謂神門穴各一指立已不已以竹管吹其兩耳髮其左角之髮方一寸燔治飲以美酒一杯不能飲者灌之立已

〔甲乙〕氣喘熱病衄不止煩心善悲腹脹逆息熱氣足脛中寒不得臥氣滿胸中熱暴泄仰息足下寒中悶嘔吐不欲食飲隱白主之 腹中有寒氣隱白主之 飲渴身伏多睡隱白主之 尸厥死不知人脈動如故隱白及大敦主之

〔外臺〕千金男隱卵大癩病法灸大拇指內側去端一寸白肉際隨年壯甚驗雙灸之

〔保命集〕血不止鼻衄大小便皆血血崩當刺足太陰井隱白

〔神應經〕隱白婦人月事過時不止刺之立愈

〔百證賦〕兼屬兌治夢魘不寧
〔大成〕隱白主小兒客忤慢驚風

大都

「甲乙」大都者火也在足大指本節後陷者中。

「千金肝藏卷」在足大趾本節內側白肉際「治

療」在大趾內側本節前第二節後「大成」骨縫赤白肉際「圖考」在足大趾第一節與第二節相接內側骨縫之間卽大都穴也

也爲榮刺人三分留七呼灸一壯。

「銅人」灸三壯「圖翼」凡婦人孕不論月數及生產後未滿百日俱不宜灸

「靈厥病篇」厥心痛腹脹胸滿「甲乙」作暴泄腹脹滿心尤痛甚胃心痛也取之大都太白

「甲乙」熱病汗不出且厥手足清暴泄心腹脹痛心尤痛甚此胃心痛也大都主之并取隱白腹滿善嘔煩悶此皆主之 瘋不知所苦大都主之 風逆暴四肢腫溼則唏然寒饑則煩心飽則眩大都主之

「脈經」諸下利皆可灸足大都五壯註一云七壯商邱陰陵泉皆三壯

「肘後」霍亂下利不止者灸足大指本節內側寸白肉際左右各七壯名大都

「千金」大便難灸足大都隨年壯

「外臺」備急療卒得中風急鬪亂欲死方灸足大指下橫文隨年壯

「席宏賦」兼橫骨治氣滯腰痛不能立

「百證賦」兼經渠治熱病汗不出

太白

〔甲乙〕太白者土也。在足內側。〔千金〕作足大趾內側。核骨下陷者中。〔神應經〕在足大陰脈之所注也。爲俞。刺入三分。留七呼。灸三壯。

〔靈九鍼十二原篇〕陰中之至陰脾也。其原出於太白。

〔甲乙〕熱病滿悶不得臥。太白主之。胸脅脹腸鳴切痛。〔原註〕一云胸脅支滿腹中切痛。太白主之。身重骨痠不相知。太白主之。大便難中。渚及太白主之。痠不相知。太白主之。二云身重骨痠不相知。

〔千金〕太白主暴泄心痛。腹脹心痛尤甚。主腹中脹食不化。鼓脹腹中氣大滿。主腹脹食不化。喜嘔泄有膿血。主熱病先頭痛。顏痛心煩悶。身熱熱爭。則腰痛不可以俛仰。主霍亂逆冷。

〔玉龍賦〕治痔漏。

〔通玄賦〕能宣導於氣衝。

公孫

「甲乙」在足大指本節後一寸、「入門」太白後一寸陷中「治療」即孤拐後赤骨上端畧後彎弓之下即公孫穴也「圖翼」內踝前陷中止坐合足掌相對取之 別走陽明太陰絡也刺入四分留

二十呼灸三壯

「靈經脈篇」足太陰之別名曰公孫去本節之後一寸別走陽明其別者入絡腸胃厥氣上逆則霍亂實則腸中切痛虛則鼓脹取之所別也

「甲乙」凡好太息不嗜食「外臺」作癟不嗜食多寒熱汗出病至則善嘔嘔已乃衰即取公孫及井俞實則腸中切痛歟頭面腫起煩心狂多飲「千金」「外臺」有不嗜食三字虛則鼓脹腹中氣大滿熱痛不嗜臥「千金」作不嗜食「外臺」作不嗜飲霍亂公孫主之「脈經」右手關上陽絕者無胃脈也苦吞酸頭痛胃中有冷刺足太陰經治陰在足大指本節後一寸「註」即公孫穴也

「千金」公孫主腹中脹食不化 主腸鳴

「神農經」治腹脹心痛可灸七壯

「席宏賦」治肚疼須兼內關相應

「標幽賦」脾冷胃疼寫公孫而立愈

「欄江賦」兼照海治傷寒四日太陰經再行內關施截法 截法云治九種心疼一切冷氣
痰涎隔悶胸中隱痛臍腹脹滿氣不消化脇肋下痛起坐艱難泄瀉不止裏急後重胸中刺
痛兩脅脹滿氣攻疼痛中滿不快翻胃吐食氣隔五噎飲食不下胃脘停痰口吐清水中脘
停食疼刺不已嘔吐痰涎眩暈不正心癟令人心內怔忡肝癟令人氣色蒼蒼惡寒發熱脾
癟令人怕寒腹中痛肺癟令人心寒驚怕腎癟令人酒澀寒熱腰脊強痛瘡疾大熱不退或
先寒後熱及先熱後寒癟疾心胸疼痛瘡疾頭痛眩暈吐痰不已癟疾骨節痠瘡疾口渴不
已胃癟令人善饑而不能食膽瘡令人惡寒驚怕睡臥不安黃汗疸四支俱腫汗出染衣黃
疸偏身皮膚黃及面目小便俱黃穀疸食畢則頭眩心中拂鬱酒疸身目俱黃心中俱痛面
發赤斑小便赤黃女勞疸身目俱黃發熱惡寒小便不利○已上凡三十證先以公孫爲主
治然後隨證 取各穴應之

商丘

「甲乙」商丘者金也在足內踝下微前者陷者中

「圖翼」前有中封
後有照海此穴居

中內踝下有橫文如偃口形「診則」在內踝骨下微前三分陷中對邱墟「圖考」在內踝骨下
際微前陷中取穴時將足大趾蹠起其陷凹處即現又法從足腕中解谿穴往內側橫量八分

卽肝經中封穴從中封往內踝下際橫量八分卽商邱穴從商邱往內踝後量一寸卽腎經海穴也

入三分、註刺入四分 留七呼、灸三壯。

〔素氣穴論王

「甲乙寒熱善嘔商丘主之 厥頭痛面腫起商丘主之 脾虛令人病寒不樂好太息商丘主之 大驚乳痛商丘主之 腹滿嚮嚮然不便心下有寒痛商丘主之 陰股內痛氣丘主之 骨痹煩滿商丘主之 癲疾狂多食善笑不休發於外煩心中渴商丘主之 善厭夢者商丘主之 管疽商丘主之 小兒欬而泄不欲食者商丘主之 小兒癩瘻手足擾目昏口噤溺黃商丘主之」

「肘後」治卒腫滿身面皆洪大方灸足內踝下白肉三壯差

「千金」治胃反食卽吐出上氣方灸內踝下三指稍邪向前有穴三壯「外臺」作內踝下一指

商丘主僻噤 主心下有寒痛 主小腹堅痛下引陰中 主煩中渴 主筋攣膝不得屈伸不可以行

〔神農經〕治脾虛腹脹胃脘痛可灸七壯

〔玉龍賦〕兼解谿丘墟堪追脚痛

〔百證賦〕專治痔漏最良

〔大成〕主婦人絕子小兒慢風

三陰交

〔甲乙〕在內踝上三寸、骨下陷者中、

〔神應經〕 在內踝上除踝三寸

〔入門〕骨後筋前〔診則〕對絕骨

足

太陰厥陰少陰之會、

汪省之曰足之三陰從足走腹太陰脾經循內踝上直行厥陰循內踝前交入太陰之後少陰腎經循內踝後交出太陰

之前故謂之三陰交脾主中腎肝主下中下焦氣一少可以盡之故危疾急證與三陰俱有干者不可輕刺脫人元氣

刺入三分、留七呼、

〔圖翼〕妊娠不

刺 可 灸三壯、

〔甲乙〕足下熱痛不能久坐〔外臺〕作脛痛不能久立溼痹不能行三陰交主之 殘泄 補三陰交上補陰陵泉皆久留之熱行乃止 驚不得眠善斷水氣上下五藏遊氣也三陰交主之「脈經」尺中脈堅實竟關寸口無脈應陰干陽也動苦兩脰腰重少腹痛癲疾刺足太陰踝上三寸鍼入五分又灸太陽陽蹻在足外踝上三寸直絕骨是也

「肘後」治霍亂先手足逆冷者灸足內踝上一尖骨是也兩足各七壯不愈加數名三陰交在內踝尖上三寸是也

〔千金〕治白崩方灸小腹橫文當臍孔直下百壯又灸內踝上三寸左右各百壯 女人漏下赤白及血灸足太陰五十壯穴在內踝上三寸足太陰經名三陰交 治失欠煩車蹠方

灸足內踝上三寸宛宛中或三寸五分百壯三報此三陰交也 膽虛寒灸三陰交各二十壯穴在內踝上一夫 夢洩精灸三陰交三七壯夢斷神良〔註〕內踝上大脈並四指是勞淋灸足太陰百壯穴在內踝上三寸二報之水注口中湧水經云肺來乘腎食後吐水灸三陰交隨年壯 三陰交主脾中痛不得行足外皮寒 主脛寒不得臥 主兩丸騫

〔外臺〕集驗灸丈夫夢泄法灸足內踝上一寸名三陰交二七壯 兩脚皆灸內踝踝大脈並四指是○蘇恭灸脚氣穴 三陰交主足下熱脛疼不能久立溼痹不能行腹中熱若寒膝內痛心悲氣逆腹滿小便不利厥氣上及顛脾病者身重苦饑足痿不欲行善瘻脚下痛虛則腹脹腹鳴塘洩食飲不化脾胃肌肉痛此出素問

〔通玄指要賦〕文伯瀉死胎於陰交應鍼而隕〔註〕昔文伯見一婦人臨產證危視之乃子死在腹中刺三陰交二穴又瀉足太衝二穴其子隨手而下

〔入門〕傷寒下法鍼三陰交入三分男左女右以鍼盤旋右轉六陰數畢用口鼻閉氣吞鼓腹中將瀉插一下其人即泄鼻吸手瀉三十六偏方開口鼻之氣插鍼即泄如泄不止鍼合

谷升九陽數

〔圖翼〕千金云內踝上三寸絕骨宛宛中灸五十壯主欬逆虛勞寒損憂恚筋骨攀痛又心中欬逆溲澀腰痛喉痹項頸滿腸痔逆氣痔血陰急鼻衄骨瘡大小便澀鼻中乾燥煩滿狂易走氣凡二十二種病皆當灸之也 又痔疾刺入三分亦主大便不利 又治氣癩水癩卵偏大上入腹灸隨年壯

〔玉龍賦〕兼三里絕骨治連延脚氣

「百證賦」兼鍼氣海專司白濁久遺精
「席宏賦」冷嗽宜補合谷却須寫此穴 脚痛膝腫鍼三里又須兼懸鍾二陵三陰交太衝

引氣並治指頭麻木

「天星秘訣」兼合谷治脾病血氣 兼承山治胸膈痞滿飲食自喜

「乾坤生意」兼大敦治小腸疝氣

「大成」三陰交主脾胃虛弱心腹脹滿不思飲食脾病身重四肢不舉腹脹腸鳴食不化痃癖腹寒膝內廉痛小便不利陰莖痛足痿不能行疝氣小便遺膽虛忿後吐水夢遺失精霍亂手足逆冷呵欠煩車蹠開張口不合男子陰莖痛元藏發痛臍下痛不可忍小兒客忤婦人臨經行房羸瘦癥瘕漏血不止月水不止妊娠胎動橫生產後惡露不行去血過多血崩暈不省人事如經脈閉塞不通瀉之立通經脈虛耗不行者補之經脈益盛則通案宋太子出苑逢妊婦診曰女徐文伯曰一男一女太子性急欲視文伯瀉三陰交補合谷胎應鍼而下果如文伯之診後世遂以三陰交合谷爲妊婦禁鍼然文伯瀉三陰交補合谷而墮胎今獨不可補三陰交瀉合谷而安胎乎蓋三陰交腎肝脾三脈之交會主陰血血當補不當瀉合谷爲大腸之原大腸爲肺之府主氣當補文伯瀉三陰交以補合谷是血衰氣旺也今補三陰交瀉合谷是血旺氣衰矣故劉元賓亦曰血衰氣旺定無好血旺氣衰應有體
「鍼灸則」臘瘡不愈灸三陰交七壯至三十壯則再不發

「眼科錦囊」上臉低垂輕證者灸三陰交